



GRATIS INLEIDENDE STORIE

Daaglikse aktiwiteite 2 tot 4 jaar

Voor julle begin:

- Hierdie inleidende storie, van hoe Loebi onthou toe hy uit die eier gekom het, is verwerk vir al die ouderdomsgroepe. **In die klubpakkette sal daar 12 verskillende stories vir elkeen van die vyf ouderdomsgroepe wees wat vir jou kind se ouderdomsvlak geskik is. (60 stories altesame)**
- Hierdie is slegs **voorbeelde van aktiwiteite**, om jou 'n idee te gee van hoe jou pakket gaan lyk.
- Hierdie voorbeeld-aktiwiteite is nie tema-gefokus nie.
- Jou pakkette se aktiwiteite en stories sal wel tema-gefokus wees en sal sentreer om die volgende temas:
 - Tema 1 – Wie is ek?
 - Tema 2 – Huis
 - Tema 3 – My familie
 - Tema 4 – My omgewing
 - Tema 5 – Diere
 - Tema 6 – Beroepe
 - Tema 7- Feeste
 - Tema 8 – Vervoer
 - Tema 9 – Plekke
 - Tema 10 – Speelgoed/Verhoudinge
 - Tema 11 – Verbeelding/Kreatiwiteit
 - Tema 12 – Vaardighede.
- Lees eers die storie vir jou kind. Dis 'n bekendmaking-storie van waar Loebi vandaan gekom het. Wys vir hom op ons webwerf hoe Loebi uit die eier kom!
- Slegs **2 weke** se aktiwiteite word hier gegee. **In jou pakket ontvang jy 4 weke se aktiwiteite.**
- Die verwysing na die kind se geslag word afgewissel met sy en hy.
- Kyk voor die tyd na alles wat julle vir 'n spesifieke les gaan nodig hê en kry alles reg sodat jy al jou aandag vir jou kind kan gee. Onderbrekings kan dalk sy aandag aflei. Indien jy wil, kan jy egter saam met hom die voorbereidings vir die les tref. Dit mag ook dalk van opvoedkundige waarde wees.
- Jy hoef nie elke dag al die voorgestelde aktiwiteite met jou kind te doen nie. Bepaal self die ritme vir julle “werk”. Indien jou kind nie geïnteresseerd is nie, los die aktiwiteit vir later.
- Doen aktiwiteite wanneer jou kind rustig is en daar niks is wat sy/haar aandag aflei nie.

- Wanneer jou kind met iets sukkel, help hom/haar. Probeer dan weer daardie aktiwiteit die volgende dag doen. Dus gaan jy dalk party dae se aktiwiteite in twee dae opdeel, of in 'n oggend- en middag-aktiwiteit.
- Prys jou kind wanneer hy/sy probeer om die aktiwiteite te doen.
- Moenie skrik as jou kind sukkel met van die aktiwiteite nie. Dis waarom jy daar is om hom/haar te begelei. Indien iets werklik te moeilik is, bêre dit en probeer dit weer na 'n maand of twee.
- Die leerhulpmiddels en werkskaarte kan weer en weer gebruik en herhaal word. Druk somer 'n paar van elkeen uit. Die Loebi prentjie  word telkens gegee om aan te dui wanneer 'n leerhulpmiddel gebruik word.
- Die sterretjie  word aan die einde van elke dag gegee om die leeruitkomste van daardie dag se aktiwiteite aan te dui. Dus wys dit jou wat jou kind alles die dag geleer het!
- Moenie ongeduldig met jou kind raak nie. Onthou hierdie is veronderstel om pret ook te wees. 'n Kind kan speel-speel geweldig baie kennis opdoen.
- Geniet dit saam met jou kind! Entoesiasme is aansteeklik!
- Indien julle van hierdie inleidende les en aktiwiteite hou, deel dit gerus met julle vriendinne

Week 1

Dag 1: Ontmoet vir Loebi

Lees die Loebi storie en gesels oor die prentjies.

Dag 2: Leer vir Loebi ken

Lees weer die storie en vra dan jou kind die volgende vragies:

- 1) Wat is die drakie se naam? (Loebi)
- 2) Waar bly hy? (Op die Drakeplaneet in Drakeland)
- 3) Wat is Loebi se oupa se naam?



Gee jou kind die Loebi-prentjie om in te kleur.



(Leeruitkomst): Begrip, taal, fyn motoriese ontwikkeling.

Dag 3: Alles oor eiers!

Vra jou kind of hy nog kan onthou toe Loebi in die eier was. Indien hy sukkel om te onthou, lees weer die deel van die storie waar Loebi in die eier was.

Beantwoord die volgende vragies:

- 1) Het jy al 'n eier gesien?
- 2) Het jy geweet dat party diertjies eiers lê?
- 3) Gesels met jou kind oor die verskillende diere wat eiers lê, soos byvoorbeeld: voëltjies, volstruise, krokodille, slange ens .
- 3) Het jy geweet dat ons hoenders se eiers eet?

Laat jou kind jou help om eiers vir middagete/ontbyt te maak. Wys hom die verskillende manier om eiers gaar te maak.



Wys vir jou kind die 'e' vertoon kaart. Verduidelik aan haar waarom daar 'n eier langsaan die 'e' geteken is.



Begrip, lees, fyn motoriese ontwikkeling.

Dag 4: Snaakse woorde!

Lees weer die Loebi storie (onthou kinders is MAL oor herhaling).

Sê aan jou kind dat daar 'n paar GROOT en snaakse woorde in die storie is en dat julle vandag gaan leer wat hulle beteken. Hier is die lysie van moontlik woorde wat jou kind dalk nie mag ken nie. Vra hom elke keer wat hy dink die woord beteken, voordat jy dit aan hom verduidelik. Dalk verras hy jou!

Vergrootglas – indien julle 'n vergrootglas het, laat jou kind daardeur kyk of kry 'n vergrootglas indien dit moontlik is. Verduidelik aan hom dat 'n vergrootglas dinge groter maak. So kan jy as jy deur 'n vergrootglas kyk mooi sien hoe klein goedjies lyk.

Loebibus-kyker (die instrument wat hulle gebruik om na die aarde te kyk) Dus kan drake baie-baie ver met die Loebibus-kyker kyk!

Drakoteek (die drake se biblioteek) Gesels oor biblioteke en gaan besoek een wanneer julle 'n kans kry.

Beroemde Verduidelik aan jou kind dat mense beroemd word om verskillende redes, byvoorbeeld:

Spiderman: hy is 'n speel-speel (fiktiewe) karakter in 'n storie, maar almal weet wie hy is, dus is hy beroemd



Tegnologie, begrip, navorsing.

Dag 5: Appeltjies!

Vra jou kind of hy kan onthou toe julle gister gepraat het oor al die snaakse woorde in die storie. Sê aan hom dat daar nog een woordjie is wat julle nog nie gedoen het nie. Hierdie woordjie is “melkboom”. Lees weer die gedeelte van die storie waar daar van die melkboom gepraat word.

Melkboom - Dit is 'n boom wat melk dra.

Verduidelik aan jou kind dat ons (natuurlik) nie melkbome het soos Loebi nie, maar ons kry wel bome wat vrugte dra, soos byvoorbeeld 'n appelboom.

Druk die prentjie van die boom uit en knip die los appeltjies uit. Sit prestik agter op die los appeltjie-kaartjies.

Doen die volgende met jou kind:

Vra jou kind om twee appeltjies aan die boom te sit. Wanneer hy dit gedoen het, prys hom en vra hom om dan nog een appel in die boom te sit. Vra hom om nou al die appels in die boom te tel.

Verduidelik aan hom dat julle nou 'n som gemaak het.

Sê: "Eers was daar 2 appels in die boom, toe sit ons nog 1 appel by. Nou het ons 3 appels. Dis hoe somme werk!"

Indien hierdie 'n lekker aktiwiteit vir jou kind is kan julle dit herhaal met ander getalle- moenie somme meer as 3 doen nie.

Jou kleindin kan ook haar eie appels in die boom in teken as sy wil.



begrip, wiskunde, fyn motoriese ontwikkeling.

Dag 6: 'e's en sirkels!



Begin deur **werkskaart 1** te doen. Wys weer die vertoonkaart vir hom en bespreek weer die lettertjie 'e'. Doen daarna **werkskaart 2**. Wanneer julle werkskaart 2 gedoen het kan jy met jou kleinding gesels oor sirkels. Druk ook die bladsye met die verskillende sirkels op en wys dit vir hom.

Gaan stap nou deur die huis en tuin en kyk of julle nog goed wat sirkelvormig is kan vind.



Lees, vorms, fyn motories ontwikkeling, waarneming

Dag 7: Nog 'n werkskaart



Doen werkskaart 3.

Doen voorbereiding: vir week 2

Week 2

Dag 1: Emosies, verbeelding, babas en selfbeeld

Lees slegs die gedeelte van die storie waar Loebi in die eier was. (Begin by: “ ‘n Paar drakejare gelede was ek in ‘n eier!)

Praat weer oor Loebi wat in die eier was.

Vra jou kind vragies:

- 1) Hoe dink jy het Loebi in die eier gevoel? Indien jou kind sukkel om hierdie te antwoord kan jy haar aanmoedig deur voorbeeld emosies te gee soos bang, bly, opgewonde ens. Laat sy dan die emosie wat sy dink toepaslik is kies.
- 2) Was jy in ‘n eier voor jy gebore was? Nee!
- 3) Hoe dink jy het dit gevoel toe jy in Mamma se maag was? Weereens kan jy haar lei deur emosie-woorde voor te stel.

Wys vir jou kind sy/haar baba-album. Gesels oor babas: wat babas kan doen en nie kan doen nie, en dat dit lank vat voor hulle kan verstaan, loop en praat.

Prys jou kind dat hy al so groot is.

Noem op wat jou kind al alles kan doen (soos wat jy dit noem moet hy dit ook doen). Maak eers seker dat jou kind dit alles kan doen, aangesien die doel van hierdie oefening is om jou kind se selfbeeld te bou.

Jy kan al:

staan
loop
handjies klap
agteruitloop
hardloop
spring
tot drie tel!



persoonlike ontwikkeling, die kind se eie geskiedenis (toe hy ‘n baba was),
emosies

Dag 2: Neste!

Gesels weer oor oor Loebi wat uit 'n eier gekom het. Vertel aan jou kind dat julle vandag julle eie nessie en eiers gaan maak!

Soek die volgende in die tuin:

takkies
grassies
blare

Druk die klei-resep uit en gebruik dit om die eiers en nessie te maak:

(Hierdie is 'n wonderlike resep vir speelklei en kan maande lank in 'n lugdigte houër gestoor word. Julle kan dit gerus gebruik vir alledaagse speel en net bietjie voedselkleursel bygooi om die klei verskillende kleure te gee.)

Wys jou kind hoe om die klei te rol in klein (of groot) eier/s.

Maak 'n nessie met die klei. Julle kan dit as basis gebruik en laat jou kind dan die takkies, grassies en blare daarin steek om dit soos 'n nessie te laat lyk.

Sit dan die eiers in julle nessie!

Help jou kind, indien nodig, om sy eie nessie te bou. As hy sukkel vertel hom dat dit so wonderlik is dat voëltjies dit alles kan doen net met hulle bekkies!



fyn motoriese vaardighede, kreatiwiteit.

Dag 3: Huise!


Gaan kyk weer na die nessie wat julle gister gebou het. Verduidelik aan jou kind dat die nessie die voëltjie se huisie is.

Gesels met jou kind oor julle huis. Vra hoe julle huis anders lyk as ander huise.

Gaan soek prentjies van verskillende huise.


Laat jou kind 'n prentjie van julle huis teken.

Vra aan jou kind hoekom dink hy bly julle in 'n huis?
 Moedig haar aan met vrae soos: “Wat sal gebeur as ons nie in 'n huis bly nie?
 Waar sal jy slaap? Wat doen jy as dit reën?”

 aardrykskunde, dink en redeneer.

Dag 4: Vorms

Vra jou kind of sy kan onthou toe julle geleer het van sirkels. Vertel haar dat daar baie ander vorms ook is. Wys haar die vormkaart en leer haar die verskillende vorms se name. Moedig haar aan om die verskillende vorms te probeer teken.

 vorms (wiskunde)

Dag 5: Nog vorms


Kyk weer na die vormkaart. Kyk of jou kind vandag die vorms kan onthou wat sy gister geleer het.

Druk die vormbladsy uit (die bladsy met die los vormpies op) op dikkerige papier en/of lamineer, dit indien moontlik (Dis nie nodig nie- dit werk net lekkerder!)

Knip al die vorms uit. Gee dit vir jou kind en vra haar om haar eie prentjie met die vorms te maak. Jy kan prestik agter op die vormpies plak – op hierdie manier kan julle dit weer en weer gebruik.

As sy sukkel kan jy haar help met die eerste prentjie.

Laat sy die vorms benoem soos wat sy die prentjie maak.

 vorms (wiskunde) en simbole

Dag 6: Patrone

Neem weer die los vorms of knip weer uit.



Doen werkskaart 4

Jou kind moet die patroon probeer bou met sy vorms.

Indien hy dit geniet, kan jy vir hom nog patroontjies bou wat hy moet naboots.

 patrone (wiskunde), geheue.


Dag 7: Hersiening

Gaan weer deur die werk wat julle in die afgelope twee weke gedoen het, en herhaal die aktiwiteite waarmee jou kind gesukkel het.

Jy kan weer 'n paar werkskaarte uitdruk wat hy kan doen.

Lees weer die storie vir hom as hy dit wil hoor.

Gaan kuier weer vir Loebi op ons webwerf saam met jou kind. Laat jou kind die gesprek lei en gesels waaroor hy wil.

 dink en redeneer, persoonlike ontwikkeling.